

經政五

倉儲

天津府

大運倉廩三十間今廢

新通志

大盈倉在府治東廩九座四十五間久廢

廣備倉在府治西廩七座三十五間久廢

公字廩六間聚粟廩五間裏餼廩五間日字廩五

間康熙年建今廢

鹽運司常平倉儲穀一百五十七石一斗五升

俱同

重修天津府志

卷三十一

倉儲

光緒戊戌

上

天津縣

常平倉額儲穀一萬四千一百九十二石舊廩廢

圯道光十四年知縣張欽祖於城東北隅建廩十

間

新通志

北倉在縣治北廩四十八座二百四十間雍正二

年建每歲截留漕糧以備賑濟

同

乾隆十五年部

議嗣後天津北倉截留漕米存儲在倉三年以後

者准其開報氣頭一百五十石廩底四十石仍按

成出糶報部查核其不及萬石以上者概不准開

報縣志

義倉在城內東北隅廩十間道光十四年建捐存

穀三千五百三十八石四斗四升新通志

李明莊舊名李行村義倉義倉圖

按乾隆十八年直隸總督方觀承奏建通省義倉勸捐存穀告成繪圖呈進刊書發屬計合百四十四川縣爲倉一千有五區爲穀二十八萬餘石其天津縣屬二百九十九村每二十里內建倉一區李行村等共建十區青縣四百二十村每二十里建倉一區古興鎮等八區靜海三百四十二村每二十里建倉一區雙窑等九區滄州五百三十五村每三十里建倉一區王莊等九區南皮三百七十九村每二十五里建倉一區董村等八區鹽山四百二十村每二十五里建倉一區蘇鎮等九區慶雲三百二十二村每二十五里建倉一區鹽山狼坨子等七村以濱外天津羊回等十七村鹽山狼坨子等七村以濱重修天津府志卷三十一倉儲

海上之區魚鹽爲業不事耕種均不建倉

上小汀義倉

鄧家淀義倉

大任村義倉

灰堆義倉

鹹水沽義倉

北斜村義倉

丁直沽義倉

桃花口義倉

大張莊義倉俱同上

泥沽義倉乾隆二十一年增建

新通志

青縣

常平倉額儲穀一萬二千石署內正廩五間東廩五間署外東廩五間西廩六間

新通志

預備倉在縣東明成化二年知縣劉素移於城內建廩六十餘間積穀五萬餘石今廢

義倉在署西廩三間存穀一百四十四石六斗八

升

俱同上

大興鎮義倉

義倉圖

興濟鎮義倉

重修天津府志

卷三十一

倉儲

三光緒戊戌

伊家莊義倉

十字街義倉

蒿坡義倉

杜林鎮義倉

胡李幕義倉

流河鎮義倉

俱同上

靜海縣

常平倉額儲穀一萬二千石舊廩五座同治六年

知縣陳元祿捐建廩一座

新通志

預備倉一在縣治南一在主簿廳東南今廢

同上

雙窖義倉

義倉圖

子牙鎮義倉

陳官屯義倉

唐官屯義倉

獨流鎮義倉

良王莊義倉

尙馬頭義倉

南和順義倉

甄塚村義倉

俱同上

滄州

重修天津府志

卷三十一

倉儲

四光緒戊戌

常平倉額儲穀一萬二千石廩二十六間在馬廩

街北雍正十三年建

新通志

預備倉明天順七年知州賈公忠建於州治西門

街南萬厯年知州張興行改建州治東偏久廢

滄州分司常平倉捐存穀四十石

城內義倉廩九間道光十三年捐義穀四百二十

四石五斗

王橋義倉

俱同上

義倉在文昌街路南廩三座房九間科房三間道光七年知州潘國詔建久圯光緒六年知州駱孝

先修葺勸捐倉穀一萬一千餘石

道光十年潘國

有義倉九區久廢穀無存嘉慶二十年督憲那彥
成通飭興復奏任捐義穀千二百一十六石七斗
存書院講堂督憲奏復義倉本州與紳民捐穀二
千二十五石不有奇即捐廉將文昌街倉基建廠二
座房六間廟房三間又葺舊房三間添更鋪牆柵
共用工料銀六百九兩餘將新舊捐穀運收倉廩
存貯道光八年接續勸捐穀三百石又因鄉倉未
修兼乏歲修成本次第捐辦紳民捐輸大制錢一
千零一十二千九百七十五文擇地勢高燥之舊
州李村孟村三處修蓋義倉三座共用工料大錢
七百一十一千七百四十分文餘存大錢三百一
二百三十五文又發商一分生息按季呈交以作
義倉歲修成本九年又捐穀三百二十二石即分
存舊州李村孟村三處義倉均經詳稟在案茲蒙
督憲札飭勒石為記暨倉門以垂永久並以杜虧
缺而絕侵肥謹勒石以為記義倉廩座穀石數目
開列於左城內文昌街倉廩三座倉神廟一座更
房二間共十四間存貯穀三千二百四十二石五
斗二升舊州倉廩一座三間更房一間存貯穀二
百九十二石四斗道光十年續捐存貯城倉穀二
百二十一石四斗李村倉廩一座四間廂房各二
共八間存貯穀一百六十三石四斗孟村倉廩一
三間廂房各二間共七間存貯穀一百六十六石二
斗光緒六年知州駱孝先勸捐積穀並重修義
倉碑記節錄有富紳劉協鎮鳳舞者心懷利濟施
錢已二萬數千緡首倡輸將捐穀又一千二百石
當經交納儲存通詳各憲旋蒙爵閣督部李批飭
協紳勸捐積穀防歲不敷月開共積義穀一萬一
千一百餘石外有集捐銀八百一十九兩以為修
葺義倉之費查滄州舊有義倉文昌街東六間翻
蓋三間又在官倉借地添建六間所費銀之不敷
者劉協鎮捐足之且日與戴貳尹作霖陳上舍其
濬諸公任怨任勞身親其事經始於己卯仲
冬之吉告竣於庚辰孟夏之初

王橋義倉

義倉圖

舊滄州義倉

重修天津府志

卷三十一

倉儲

五

光緒戊戌

孟村義倉

涂家營義倉

王寺村義倉

穆官屯義倉

彰壁村義倉

李寨義倉

李村義倉

俱同上

南皮縣

常平倉額儲穀一萬四千石廩一座在縣署儀門

西

新通志

重修天津府志

卷三十一

倉儲

六光緒戊戌

預備倉在縣治西南今廢

社倉在四鄉今廢

義倉在捕廳署西存穀二百三十六石一斗一升

俱同上

董村鎮義倉

義倉圖

泊鎮義倉

底橋鎮義倉

牛壁店義倉

劉家馬村義倉

吳家集義倉

賈家屯義倉

烏馬營義倉俱同上

鹽山縣

常平倉額儲穀一萬石廩十五間在縣治東雍正

十二年知縣何其慧建新通志

預備倉一在縣治東南明萬曆四十年知縣劉子

誠移建於府館一在拱辰臺前今俱廢

城內義倉二座存穀七百九十四石七斗一升俱同上

蘇基鎮義倉義倉圖

重修天津府志

卷三十一

倉儲

七光緒戊戌

羊兒莊義倉

舊縣鎮義倉

王帽圈義倉

望樹鎮義倉

高家灣義倉

邊家務義倉

大楊村義倉

韓村鎮義倉俱同上

慶雲縣

常平倉額儲穀一萬石廩一座在署西新通志

預備倉在儀門東

廣儲倉在儀門西

義倉在署前存穀五百零一石一斗一升俱同上

劉貴莊義倉義倉圖

尙家堂義倉

板搭營義倉

解家莊義倉

黑牛王村義倉

嚴家務義倉俱同上

重修天津府志

卷三十一

倉儲

八光緒戊戌

經政六

鹽法

蔡啟盛案前志嵯務至今多異此卷歷代率同前志惟近事則本新鹽法志稿蓋徐主政先修鹽志甫竣藍本在篋撮成自易而未經刊行無可校對且意必盡載故事茲可無容贅存矣

漢

元封元年桑宏羊爲治粟都尉領大農幹天下鹽鐵請置大農部丞數十人分部主郡國各往往置均輸鹽鐵官令遠方各以其物如貴時商賈所轉販者爲賦而相灌輸

漢書食貨志

重修天津府志

卷三十二

鹽法

一 光緒戊戌

鉅鹿郡堂陽勃海郡章武千乘郡漁陽郡泉州遼

西郡海陽俱有鹽官

漢書地理志

北魏

河東鹽地舊立官司以收稅利世宗罷其禁與百姓共之王後興等請供百官食鹽二萬斛之外歲求輸馬千匹牛五百頭于是鹽官更罷更立以至永熙遷鄴後於滄瀛幽青四州之境傍海煮鹽滄州置竈四千四百八十四瀛州置竈四百五十二幽州置竈一百八十青州置竈五百四十六又於邯鄲置竈四計終歲合收鹽二十萬九千七百八

斛四升軍國所資得以周贍

前志引魏書食貨志

唐

幽州大同橫野軍有鹽屯每屯有丁有兵歲得鹽二千八百斛下者千五百斛負海州歲免租爲鹽二萬斛以輸司農青楚海滄棣杭蘇等州以鹽價市輕貨亦輸司農乾元元年鹽鐵鑄錢使第五琦初變鹽法就山海井竈近利之地置監院遊民業鹽者爲亭戶免雜徭盜鬻者論以法劉晏以爲因民所急而稅之則國足用於是上鹽法輕重之宜自兵興河北鹽法羈縻而已至皇甫鎛又奏置權

重修天津府志

卷三十二

鹽法

二 光緒戊戌

鹽使如江淮權法犯禁歲多及田弘正舉魏博歸

朝廷穆宗命河北罷權鹽

前志引唐書食貨志

五代

後唐莊宗同光三年勅魏府每年所徵隨絲鹽錢逐年俵賣莊宗又命趙德鈞鎮蘆臺軍因蘆臺鹵地置鹽場又舟行運鹽東去京國一百八十里相其地高阜平濶因置權鹽院謂之新倉以貯其鹽流行於其閒因其鹽曰權鹽復開渠運漕鹽貨貿於瀛鄭閒上下資其利遂致饒衍贍於一方後周世宗令權河北鹽犯輒處死其後北伐父老遮道

泣訴願以均之兩稅錢而弛其禁蓋行之河北免鹽之權而微其稅所謂兩稅鹽錢也及其甚也鹽不及而徵錢如故稅已納而禁權再行民不堪焉

前志引文
獻通考

宋

太宗建隆四年令河朔邢洺磁鎮冀趙等六州許通鹽商止令收稅開寶三年悉罷權官收其算止過稅錢一文住賣二文蓋因河北土皆斥鹵民間稅地五穀不豐惟刮鹽煎之以納二稅至今六州之境咸頌宋祖之澤不衰仁宗時言者請禁權以

重修天津府志

卷三十二

鹽法

三

光緒戊戌

收遺利諫官余靖諫寢之其後王拱辰爲三司使復議權張方平言曰河北有兩稅鹽錢今復權之是再權也仁宗悟立以手詔罷之熙甯八年章惇爲三司使以河北無權禁乃祖宗一時誤恩請遣使與兩路轉運司度利害行之蘇軾上書宰相文彥博言其害遂止之紹聖中惇爲相仍行禁權元豐三年京東轉運使李察請置河北買鹽場自大名府澶恩信安雄霸瀛鄭冀等州盡竈戶所煮鹽官自權賣禁私爲市

前志引
宋史

遼

太宗有大造於晉晉獻十六州地而瀛鄭在焉始得河閒煮海之利置榷鹽院於香河縣於是燕雲迤北暫食滄鹽一時產鹽之地如渤海鎮城海陽豐州陽洛城廣濟湖等處五京計司各以其地領之其煎取之制歲出之額不可得而詳矣遼史食貨志

金

益都濱州舊置兩鹽司大定十三年四月併爲山東鹽司二十一年滄州及山東各務增羨冒禁鬻鹽朝論慮其久或隳法遂併爲海豐鹽使司是後惟置山東滄寶坻莒解北京七鹽司山東滄寶坻

重修天津府志

卷三十二

鹽法

四 光緒戊戌

斤三百爲袋二十有五爲大套鈔引公據三者俱脩然後聽鬻小套袋十或五或一每套鈔一引如袋之數皆套一鈔石一引零鹽積十石亦一鈔而十引其行鹽之界各視其地宜山東滄州之場九行山東河北大名河南南京歸德諸府路及許亳陳蔡潁宿泗曹睢鉞單壽諸州上曰鹽使司雖辦官課然素擾民鹽官每出巡而巡捕人往往私懷官鹽所至求賄及酒食稍不如意則以所懷誣以爲私鹽鹽司苟圖羨增雖知其誣亦復加刑宜令別設巡捕官勿與鹽司關涉庶革其弊五月朔巡

捕使山東滄寶坻各二員寶坻山東滄鹽價觔爲三十八文更減去八文承安三年定山東寶坻滄州三司價每一觔加爲四十二文滄州舊課歲八百五十三萬一千二百貫增爲二百七十六萬六千六百三十六貫八月命山東寶坻滄州三鹽司每春秋遣使督按察司及州縣巡察私鹽泰和元年九月省臣以滄濱兩司鹽袋歲買席百二十萬皆取于民清州北靖海縣新置滄鹽場本故獵地沮洳多蘆宜弛其禁令民時採而織之

前志引金史食貨志

大定二十一年參知政事梁肅言寶坻及傍縣多

重修天津府志

卷三十二

鹽法

五

光緒戊戌

關食可減鹽價增粟價而以粟易鹽宰臣議謂鹽非可多食之物恐久而不售以致虧課遂罷大定十三年二月併權永鹽爲寶坻使司罷平灤鹽錢寶坻滄鹽價觔爲三十八文更減去八文尙書省議山東滄州舊法每一觔錢四十一文寶坻每一觔四十三文自大定二十九年赦恩並特旨減爲三十文計減百八十五萬四千餘貫後以國用不充遂奏定每觔復加三文爲三十三文至承安三年十二月尙書奏鹽利至大今天下戶口蕃息食者倍於前軍儲支引者亦甚多况日用不可闕之

物豈以價之低昂而有多寡也若不隨時取利恐徒失之遂復定山東寶坻滄州三鹽司價每觔加爲四十二文既增其價復加其所鬻之數七鹽司舊課歲入六百二十二萬六千六百三十六貫五百六十六文至是增爲一千七十七萬四千五百一十二貫一百三十七文滄州舊額歲入百五十三萬一千二百貫增爲二百七十六萬六千六百三十六貫寶坻舊入八十八萬七千五百五十八貫六百文增爲一百三十四萬八千八百三十九貫泰和四年六月以七鹽使司課額七年一定爲制每觔增爲四十四文泰和五年六月以山東滄州兩鹽司侵課遣戶部員外郎石鉉按視之還言兩司分辦爲便詔周昂分河北東西路大名府恩州南京睢陳蔡許潁州隸滄鹽司各計口承課

同上

元

元太宗庚寅年始立鹽法每鹽一引重四百觔價銀一十兩世宗中統二年減爲銀七兩至元十三年取宋所入甚廣每引改爲中統鈔九貫二十六

年增爲五十貫

鹽引始此

元貞丙申增爲六十貫至

大已酉至延祐乙卯七年之間累增至一百五十

貫前志引長
蘆鹽法志

至元二年詔以大中大夫禮部侍郎倪德政爲中都路轉運使提領稅司事荅木丁同知使事實坻鹽使崔嚴臣副之德政敦厚廉平凡場戶入鹽卽給仍純支寶鈔不折其尤貧窶者預貸工資以賙之前志引舊通志

大都之鹽太宗丙申年初於白陵港三义沽大直沽等處置司設熬煎辦每引有工本錢世祖至元二年又增寶坻二鹽場竈戶工本每引爲中統鈔三兩與清滄等八年以大都民戶多食私鹽因虧重修天津府志

卷三十二

鹽法

七

光緒戊戌

國課驗口給以食鹽十九年罷大都及河間山東三鹽運司設戶部尙書員外郎各一員別給印令於大都置局賣引鹽商買引赴各場關鹽發賣每歲竈戶工本省臺遣官逐季分給之十九年改立大都蘆臺越支三义沽鹽使司一二十五年復立三义蘆臺越支三鹽使司二十八年增竈戶工本每引爲中統鈔八兩二十九年以歲饑減鹽課一萬引入京兆鹽運司添辦大德元年遂罷大都鹽運司併入河間河間之鹽太宗庚寅年始立河間稅課所置鹽場撥竈戶二千三百七十六隸之每

鹽一袋重四百斤甲戌年立鹽運司庚子年改立
提舉鹽榷所歲辦三萬四千七百袋癸卯年改立
提舉滄清鹽課使所歲辦鹽九萬袋定宗四年改
真定河閒等路課程所爲提舉鹽榷滄清鹽使所
憲宗二年又改河閒課程所爲提舉滄清深鹽使
司八年每袋增鹽至四百五十斤世祖中統元年
改立宣撫司提領滄清深鹽使所四年改滄清深
鹽提領所爲轉運司是年辦銀七千六十五錠米
三萬三千三百餘石至元元年又增三之一焉二
年改立河閒都轉運司歲辦九萬五千袋七年始

定例歲煎鹽十萬引辦課銀一萬錠十二年改立
都轉運使司添竈戶九百餘增鹽課二十萬引十
八年以河閒竈戶勞苦增工本爲中統鈔三貫是
年又增竈戶七百八十六九年罷河閒都轉運
司改立清滄鹽使司至二十二年復立河閒等路
都轉運鹽使司增鹽課爲二十九萬六百引二十
三年改立河閒都轉運司通辦鹽酒稅課二十五
年增工本爲中統鈔五貫二十七年增竈戶四百
七十辦鹽三十五萬引至大元年又增至四十五
萬引延祐元年以虧課停煎五萬引自是至天曆

皆歲辦四十萬引所隸之場凡二十有二元史食貨志

明

明洪武初年長蘆歲辦大引鹽每引四百斤共計六萬三千一百五十三引三百斤零已而改辦小引鹽每引二百斤共計一十八萬八百七引一百八十八斤零永樂閒定都北京以長蘆密邇應進貢白鹽每年於正課內進五十三萬四千六百六十九斤二兩共二千六百七十三引零前志引舊通志

明有天下置鹽官轉運之司六提舉之司七鹽課之司百七十有奇高帝之初籍竈丁徵商稅竈丁

重修天津府志

卷三十二

鹽法

九

光緒戊戌

煎鹽每引與工本鈔一貫五百文商人一引徵白金八分酌所在米價貴賤道里遠近險易而重輕之使竈不爲我困而商樂爲我輸於是始嚴私鹽之禁引有大大引四百斤小引二百斤永樂中每引輸邊粟二斗五升加重矣猶本六而息七八當此之時鹽價平賤食鹽之民並受其賜富商大賈共出財力招遊民就塞下墾荒種藝自爲保伍塞下之人其勤者亦力耕歲收以待貿易邊無不足於粟豆者而邊備亦壯此國初鹽法之善也前志
明初置北平河閒鹽運司後改稱河閒長蘆所轄